

IOK-NÁ (32)

1 Iâ-hô-hoa ê oē lîm-kàu A-bí-thài ê kiáⁿ Iok-ná kóng, Lí khí-lâi khi Nî-nî-bî hit ê toā-siâⁿ, chhut-siaⁿ keng-kài in; in-ūi in ê choē-ok thàu-kàu Goá bîn-chêng. ³Nā-sī Iok-ná khí-lâi, ài-cháu khi Tha-si, siám-pī Iâ-hô-hoa; lōh-khi Iok-phàⁿ, tú-tiōh chit chiaⁿ chûn beh khi Tha-si; i chiū hō· i chûn-sè, tah hit chiaⁿ chûn beh kap in khi Tha-si, siám-pī Iâ-hô-hoa. ⁴Chóng-sī Iâ-hô-hoa hō· hái khí toā-hong, hái-tiong hong-éng chin-thâu, tì-kàu chûn beh phoà. ⁵Chúi-siú chin kiaⁿ, ták-lâng ai-kiū i ê siōng-tè; in ēng chûn-lâi ê hē-mih hiat-lōh hái, in-ūi beh hō· chûn khah-khin; tók-tók Iok-ná í-keng lōh chûn-tó-toé, tó-teh hó-khùn. ⁶Tāi-kong kàu i hia, tui i kóng, Lí chit-ê hó-khùn ê lêng ah, siáⁿ-sū án-ni? khí-lâi, kiū-kiò lí ê siōng-tè; kiám-chhái Siōng-tè khoàⁿ-kò lán, hō· lán bián biát-bô. ⁷In saⁿ-kap kóng, Lâi ah, lán lâi liam-khau, khoàⁿ lán tú-tiōh chit ê chai-ē, sī in-ūi sím-mih lêng ê iân-kò. ⁸Tui án-ni in liam-khau, chiū liam-tiōh Iok-ná. In tui i kóng, Chhiáⁿ lí ká goán kóng, lán tú-tiōh chit ê chai-ē, sī in-ūi sím-mih lêng ê iân-kò; lí choē sím-mih sū-giáp? Lí tui toh-lōh lâi? Lí ê pún só-chāi tī toh-lōh? Lí siók sím-mih chók? ⁹I in kóng, Goá sī Hipék-lâi lêng; goá keng-ùi thiⁿ-téng ê Siōng-tè Iâ-hô-hoa, chhòng-chō toā-hái kap ta-toē-ê. ¹⁰Hiah ê lêng chiū toā-kiaⁿ, tui i kóng, Lí só· choē-ê sī sím-mih sū ah? In-ūi hiah ê

lêng chai i siám-pī Iâ-hô-hoa, sī i í-keng ká in kóng lah. ¹¹In ká i kóng, Goán tiōh cháiⁿ-iūⁿ khoán-thái lí, hō· hái pīⁿ-tiāⁿ? in-ūi hái-éng ná-khi ná-toā. ¹²I ká in kóng, Lín liáh goá hiat-lōh hái, hái chiū pīⁿ-tiāⁿ; in-ūi goá chai lín tú-tiōh chit ê toā-hong sī ūi-tiōh goá ê iân-kò. ¹³Nā-sī hiah ê lêng chin-lát kò-chiúⁿ, ài oá-kūn soaⁿ; chóng-sī boē-oē; in-ūi hái-éng ná-khi ná-toā. ¹⁴Tui án-ni in kiū-kiò Iâ-hô-hoa kóng, Iâ-hô-hoa ah, goán chhiat-chhiat kiū Lí, bōh-tit in-ūi chit-lêng ê sīⁿ-miā, hō· goán sí-bô; bōh-tit ēng bô-choē ê huìh kui tī goán; in-ūi Iâ-hô-hoa Lí sī chiàu ka-kī ê ì-sù lâi kiáⁿ. ¹⁵In chiū liáh Iok-ná hiat-lōh hái; hái ê toā-éng chiū pēng-tiāⁿ. ¹⁶Hiah ê lêng chiū toā-toā keng-ùi Iâ-hô-hoa, hián-chè hō· Iâ-hô-hoa, koh hē-goān. ¹⁷Iâ-hô-hoa pī-pān toā-hi thun Iok-ná; Iok-ná tī hī pak-tó-lâi saⁿ-jīt saⁿ-mī.

2 Iok-ná tī hī ê pak-tó-lâi kī-tó i ê Siōng-tè Iâ-hô-hoa, kóng:

Goá tú-tiōh hoān-lân kiū-kiò Iâ-hô-hoa;

I chiū thiaⁿ goá;

Goá tui im-hú ê pak-lâi âu-kiò;

Lí chiū thiaⁿ goá ê siaⁿ.

³In-ūi Lí bat hiat goá lōh chhim-ian, chiū-sī tī hái-toé;

Toā-chúi ūi goá;

Kông-pho toā-éng lóng khàm-bát goá.

⁴Goá chiū kóng, Goá siū koáⁿ-tiók, lī-khui

Lí ê bák-chêng;

Chóng-sī goá iáu teh òng Lí ê sèng-tiān.

⁵Chiah ê chúí tui goá hiám-hiám bô sīⁿ-miā;

Chhim-ian uī-khùn goá;

Hái-chháu pau goá ê thâu-khak.

⁶Goá lōh kàu soaⁿ-toé:

Toē ê mng-kong éng-éng ká goá koaiⁿ-teh;

Iâ-hô-hoa, goá ê Siōng-tè ah, chóng-sī Lí ū kiù goá ê sīⁿ-miā thoat-lī sí-bô.

⁷Goá ê sim-sin hūn--khì ê sī, goá chiū siàu-liām Iâ-hô-hoa;

Goá ê kī-tó kàu Lí ê bīn-chêng, jip Lí ê sèng-tiān.

⁸Kīⁿ-nā tui-tiōng hu-ké ê lâng,

Khì-sak in chū-ài ê Chú.

⁹Chóng-sī goá beh ēng kám-un ê siaⁿ hiàn-chè hō· Lí,

Siā goá só· hē ê goān:

Chín-kiù chhut tī Iâ-hô-hoa.

¹⁰Iâ-hô-hoa bēng-lēng hit bé hī, i chiū thò-chhut Iok-ná tī ta-toē.

3 Iâ-hô-hoa ê oē tē-jī-pái līm-kàu Iok-ná kóng, Lí khí-lâi, khì Nī-nī-bī hit ê toā-siāⁿ;

²Goá só· bēng-lēng lí thoân--ê, lí thoân hō· i.

³Iok-ná chiū chiàu Iâ-hô-hoa ê oē khí--lâi, khì Nī-nī-bī; Nī-nī-bī sī kék-toā ê siāⁿ, tiōh kiāⁿ saⁿ-jīt chiah oē thàng.

⁴Iok-ná jip siāⁿ khí-sin kiāⁿ chit-jīt ê lō·, thoân kóng, Koh sì-cháp-jīt, Nī-nī-bī beh tó-hoài.

⁵Nī-nī-bī lâng sin Siōng-tè, chiū soan-pò kìm-chiáh, tui-toā kàu-soè, lóng chhēng môa-saⁿ.

⁶Chit ê siàu-sit thoân-kàu hō· Nī-nī-bī ông thiaⁿ-kìⁿ; i chiū tui i ê chō-ūi khí--lâi, thng i ê lé-hók, chhēng môa, chē tī hé-hu.

⁷Koh chhut kò-sī, chiàu ông kap kùi-chók ê bēng-lēng thoân hō· Nī-nī-bī thong-siāⁿ kóng, Lâng kap cheng-siⁿ gū-kūn iūⁿ-kūn, lóng m̄-thang chiáh, m̄-thang lim-chúi, liên chhi-khoàⁿ iā m̄-thang.

⁸Lâng kap

cheng-siⁿ lóng tiōh chhēng-môa, toā-siaⁿ kiù-kiò Siōng-tè, ták-lâng iā tiōh lī-khui i ê pháiⁿ-lō·, kap i ê chhiú só· choè ê kiōng-pō.

⁹Kiám-chhái Siōng-tè hē-sim tng-ì, bán-hoē I ê toā siū-khì, hō· lán bô biát-bô iā káⁿ.

¹⁰Tui án-ni Siōng-tè khoàⁿ in ê kiāⁿ-choè, ū lī-khui in ê pháiⁿ-lō·; Siōng-tè chiū thè-hoē I só· kóng beh kàng hō· in ê chai-ē, iáh bô kàng-lōh.

4 Chóng-sī chit ê sū Iok-ná chin bô hoaⁿ-hí, toā-toā siū-khì; chiū kī-tó Iâ-hô-hoa kóng, Iâ-hô-hoa ah, taⁿ kiū Lí, goá tī pún-kok ê sī, kiám-m̄-sī án-ni kóng? Só·-í goá koáⁿ-kín chháu-khì Tha-si, in-ūi goá chai Lí sī ū un-tián ê Siōng-tè, chhiong-moá lín-bín, bô khoài siū-khì, ū hong-sēng ê chū-ài, koh thè-hoē só· kóng beh kàng-lōh ê chai-ē.

³Iâ-hô-hoa ah, taⁿ kiū Lí chhiú goá ê sīⁿ-miā; in-ūi goá sí pí oáh khah-hó.

⁴Iâ-hô-hoa kóng, Lí án-ni siū-khì háp-lí mah?

⁵Tui án-ni Iok-ná chhut-siāⁿ chē tī siāⁿ ê tang--sì, tī-hia ūi ka-kī tah liáu-á, chē tī ìm-ńg-ē, ài-beh khoàⁿ hit ê siāⁿ tàu-tí cháiⁿ-iūⁿ.

⁶Iâ-hô-hoa Siōng-tè pī-pān chit-chang pi-môa, hō· i hoat-siⁿ khah-koàiⁿ Iok-ná, choè ìm-ńg jia i ê thâu-khak, hō· i bián kan-khó; Iok-ná in-ūi chit chhang pi-môa, toā-toā hoaⁿ-hí.

⁷Chóng-sī keh-jīt, thiⁿ-phú-kng, Siōng-tè pī-pān chit bé thang, chiáh chit chhang pi-môa, tì-kàu ko·-tā.

⁸Jīt chhut ê sī, Siōng-tè pī-pān iām-jiát ê tang-hong, koh jīt phak Iok-ná ê thâu-khak, hō· i hūn--khì; i chiū ūi ka-kī kiū sí, kóng, Goá sí pí oáh khah-hó.

⁹Siōng-tè tui Iok-ná kóng, Lí in-ūi chit chhang pi-môa siū-khì háp-lí mah?

Ìn kóng, Goá siū-khì kàu-sí iáh háp-lí.

¹⁰Iâ-hô-hoa kóng, Chit chhang pi-môa, lí bô ūi i tiōh-boā, lí bô hō· i toā-chang, chit-mī hoat-siⁿ, chit-mī sí-khì, lí iáu-kú thiàⁿ-sioh; hô-hòng Goá, Goá kiám-m̄-tiōh thiàⁿ-sioh Nī-nī-bī, chit ê toā-

siâⁿ mah? Kî-tiong boē-oē hun-piat chó-iū
chhiú--ê, m̄-nā cháp-jī-bān, koh ū choē-choē
cheng-siⁿ?